

兩朝從信錄

兩朝從信錄卷之十八

秀水

沈國元述

四月

難陽之守  
鉅鹿之戰  
未易與李  
王之功相  
低昂也

聞之尚堪  
覆涕況身  
當耶

貴州巡撫李樞敬陳新撫救援之功疏曰、自貴陽圍解、職有報捷一疏、爲新撫臣王三善稍叙其槩、然從前半載苦心堅忍之由、及臨期七日捨命赴援之力、新撫不言職又不爲之言、誰當言者、職在途追憶、圍城措餉、費幾許心神、當事竭防、受幾許怨謗、摠爲此一片城池、數萬生靈、而日久無援、財盡民窮、兵驕將悍、衛民之兵盡是殺民之兵、護民之城池反作坑民之陷穽、是時不禁殺人、不可禁殺人

又不能情法並窮。笑啼俱碍。即鄉宦潘潤民倡義捐資。破產贍兵。猶不免抄其家而殺其女。其他可知。職痛念身家。不歿於賊。則死於兵。婦女數口。授以刀繩。聽其相機自盡。尚有十歲之子。七歲之孫。不能歿。職又不忍殺之。職妾馬氏曰。父母歿而子生。生者不義。妾能生之。亦能死之。願授火藥一霍。足了大事。毋落逆賊亂兵之手。職泣而許之。嗟。嗟。此時此景。慘動天地。職捐此身家。委之劫數。獨無奈二百年城池數百口。慙苦付之烏有。切恨歿有餘辜。孰意日延一日。有新撫臣之兵。從天而降。收此殘山剩水。還之天朝。拔此慙卒遺黎。出之苦海。哉。說者曰。不有守者。援亦

無及職則日不有援者守終無功嘗試譬之職等如水火  
中人救援不至有俱沒俱燼耳自遭自受無可奈何新撫  
則望洪濤而投足覩烈焰而引手非有一段血誠俠骨誰  
能強之臘月之援不至職等不過以身殉之何益封疆且  
安所得功又安所得叙功人而累累陞之賞之爲此職所  
以轉思轉憶職之苦又轉思轉憶新撫臣之功也新撫與  
職共處二十日荒涼城郭不能具杯酒勞苦獨有彼此骨  
立相弔職經年不見邸報從新撫索觀數本封識宛然職  
問之曰日來止辨討賊無暇觀觀之徒亂人意耳職服其  
立志之一從征將士有護職入沅者沿途指點何日進兵

叙次王撫  
如器應戰  
審不知身  
如器應戰

何地札營先登報捷者何將奮勇齊力者何兵言之甚悉  
乃知昨歲十一月終楚蜀兵不至撫臣不得已召諸將論  
之曰省城不能待矣外援不能來矣吾輩死於法亦死死  
於敵亦死爾其效之於是命道臣何天麒督兵七千從清  
水江進爲右部命道臣楊世實督兵萬餘從都勻進爲左  
部而撫臣自督二萬兵道臣向日升從中路進當賊鋒人  
有議臘月不與師者撫臣斥之職服其決機之迅臘月朔  
窮日之力款武新添人有言部署未定盡候諸撫臣曰毋  
庸兵貴神速二之日次妙緒湖三之日次新安去新添四  
十里矣是夕合營大驚報賊至疏議退兵撫臣曰退則壘

粉耳。吾以死捍之。按兵不動。卒無賊。知爲奸細訛言。使站  
立不定。又是襲城河續危哉。職服其疑定之議。四之日。命  
劉超爲前部。抵龍頭營。撫臣以身尾之。相去不二里。聞銃  
聲衆股栗欲止。撫臣曰。前驅當賊。必有還者。吾當爲後勁。  
遂策馬而前。未一里而捷音至。曰。劉超破賊矣。超兵遇賊  
果却。超下馬斬兵二人。持刀斷賊一標。有賊首阿成。驍勇  
特甚。超與部兵張良俊直前斬其首。賊遂披靡。適撫臣之  
兵後至。大呼齊進。奪龍里城。賊四門齊攻。復大戰却之。職  
服其敢勇之氣。五之日。住龍里城。衆議曰。此地去省會四  
十里。賊必有重兵堵截。量而後進可乎。撫臣曰。此行累數

日糧爲必死之計。不能持久。吾初至。賊不知我多寡。宜急擊之。六之日。侵晨策馬先進。衆隨之。賊覘者始知撫院自將。意有數十萬兵至。相顧駭愕。安邦彥結其衆曰。吾當增兵來助。遂遁去。賊衆相率還屯龍洞。我師遂奪高寨七里冲之險。七之日。進兵畢舖。賊步騎如雲。觀者失色。孫元謀將所製木發。貢七門齊發之。賊死無算。楊明楷率烏羅司兵如塙而進。賊亡奔。所棄鎗重器械山積。遂乘勝抵城下。職與鎮道各延之入城。新撫不可。曰。賊去未遠。兵心未定。吾主帥也不可。即安遂營於南門外坡上。設帳大雪中。次引移營宅溪。賊聞之。達遁陸廣河外。職服其決策之審。此

一舉也。人危之者曰奇。着險。着有幸之者曰天助。職曰唯  
唯否否。夫以二萬餘遲遲之兵。捷發於一旦。及龍里而賊  
不知及閩城而會城不知。何謂非奇。撫臣一書生耳。將孤  
軍深入而不顧苗賊之截。不慮糧糈之乏。何謂非險。以二  
萬師當十萬衆。屢戰屢勝。兵不血刃而僵尸載道。且進師  
七日。天風清爽。退賊之夕。雨雪薦至。何謂非天。然而非然  
也。使人人畏奇。着必尋平。着畏險。着必尋穩。着比及平穩  
時。求黔城官民於枯魚之肆矣。即云天佑。何日無天。何人  
不可邀天。必待撫臣下奇險之着。乃恰逢此。或然之數耶。  
且如職所云立志之。發機之。迅堅定之。識敢勇之。氣決。



策之審天耶人耶乃說者因其後舉之捷咎其前事之遲  
嗟嗟撫臣之遲得已耶不得已耶兵之不得不遲其咎獨  
任之耶衆任之耶職自聞變城之敗每每致書新撫諄諄  
以分路進師選將擇兵解散苗仲多備火器爲要着此數  
事非數月工夫不能了究竟師出三路賊不能併力以截  
我者形勢分也走數百里寸寸賊巢而無爲賊耳目者苗  
仲散也龍頭斬二還兵誅一首賊而得勝者將得人也龍  
洞之捷衝鋒破陣者得力在火器在烏羅兵也此誰非從  
遲中得者遲而無及則職等之命封疆之不幸也遲而及  
及而有効不至如四月六月援兵勞而罔功輕而貨事則

史公深加  
點中情形  
設述義舉  
鑒可行

撫臣半載遲回之苦心七日衝鋒之定力職烏得不表而出之以爲鼎功之定案哉伏乞

皇上褒揚優異專任責成仍

勅諭撫臣集思廣益用謀勇之將收一戰之功併收萬全之効而各省催兵催餉毋以畛域掣其肘一時小勝小敗毋以議論撓其成則不負新撫一番之敢戰亦不虛職經年之苦守矣

貴州巡按今陞太僕寺少卿史永安敬陳蕩平疏曰貴陽之圍解也皆緣撫臣王三善親身督陣道臣向日升負弩前驅故將領爭前兵卒用命能以寡而禦衆以勞而破逆

勸竭之計  
無出於此  
者

孤軍而脫十月重困。即此便是奇功。何必論斬獲哉。第賊潰矣。而尚以全力歸也。奔渡陸廣矣。而四十八支頭目。惟安邦俊先薨於銃。其餘尚偷於食息也。河以內之羶土。尚延榮千里也。烏得而易視之。使此際更加一番慎重。振旅河干。佯爲掃穴。或駕言招撫。姑以緩嘗。賊必不敢輕出陸廣。我可以先固根本。一面將續到官兵。自龍里以下。處處布置。鎮壓苗仲。疏通道途。儲糧催餉。充實會城。一面期會蜀滇各路。并進賊。雖狡。能出吾掌握乎。初撫臣迫於倉庫之空虛。而計因糧於敵。遂決其乘勝之險着。而希旦暮收功。儻

非是通鏡

天厭賊惡而奪其鑿。一鼓掃蕩之不亦奇舉哉。無奈士卒

不飽。採取易窮。險易未嘗。倉皇深入。遂使賊得肆奸。而有

陸廣陽池。

兩河之敗。據各道者稟報有謂先鋒楊明楷率官兵萬餘

於去歲三十日渡河。札營於三十里地外。正月初七日。拿

獲奸細。吐供賊糾大衆於初十日接陣。遂差人報劉副總

發兵接應。副總不信。兵未發。而賊果於是日以數萬至矣。

明楷方奮勇抵敵。蒙兵先潰。電光營兵亦潰。兵將奔逃。溺

水死者不下數千。明楷未知下落。有謂因採取浮糧。賊乘

營壘之虛而擊之。殺傷將領四五員。楊明楷竟被生縛者。

有謂前後參差。南北矛盾。致有是敗者。有謂西賊糾蘭前

與安效良等衆并力而攻陸廣復并力而赴鴨池與張總  
鎮交戰賊衆我寡勢不能支遂退守威清者有謂秦兵因  
五月無餉浮糧將盡無處採取又見賊勢重大各懷歸念  
未交鋒即於十七夜遁而全營楚兵亦遁何監軍見勢孤  
遂同張總鎮退回威清止獲商游擊劉都司等兵黎明被  
賊圍掩及冲突而出賊乘勢逐擊以致各官兵余復奔竄  
不可安撫絲是逃兵絡繹漫散而下道路傳喧人心震動  
遂致苗仲復肆荼毒龍里復爲占據據廣西監軍道副使  
周里報從龍里以致筑城被刦殺者屍橫四十餘里向叅  
議何副使劉鄉官孫鄉官楊舉人馬指揮門承差運糧楊

通判或家人被擄，或子媳盡慘，或劫其輪扛，或搶其本揭。軍師李時將卒兵三千，被賊冲營，幾損其半。嗟乎！如此阻截，何殊未解圍時之光景？況下而重安、楊柳一帶所在流劫，亦復如是。日今省城聞斗米至銀五錢矣，雖較之曩時百餘金之價尚遠，切恐危急已甚，如之何也？有續到之兵，無續到之米，無可奈何。而言採，顧我日採米，而兵則並攘其囊篋，並採其妻孥，既撫之，復害之。一聞敗衄，羣起流劫，則實侮之，緊誰之尤？是昔之苗仲從賊，尚懷心於我，今之苗仲從賊，再言撫，誰肯一心於我？況我日採於苗仲，而官兵則並採於軍兵，即避難深峒者，亦不能保其蓋藏，是向

之守寨緩揀百里內將解無糧而可乘且新到之官兵難以協力復業之人士未定驚魂傳聞逆酋攻威清不得攻平虜不得復退而札營於河岸倘狂而猝至城下大勢將有不可知是餉一日未通則會城之生機一日未固糧米一日不運則會城之人心一日不安今日急着惟有疏龍里餉道以通會城疏清平餉道以通平越則疏龍里餉道非亟除何中藹不可藹一乳息然今甘心從逆經年截殺罪惡貫盈而數百部苗剪除亦易惟得一重將暫鎮新龍相機馭之當如探囊今督臣已催施漢兵二萬將到付之總理魯欽管領則此路可以料理矣疏清平餉道孫家墳

重安等處之惡苗、不可化、此苗緩則出劫官道、急則連窺山菁、難以遽言掃除、亦惟置一重將、設萬餘兵留鎮、偏興上下把截、苗自不敢出、臣欲暫留總兵麻鎮當此、而業往廣西催泗城兵去矣、切計總鎮張彥芳部兵飢已盡、營兵不聽其約、雖在會城、實爲贅龐、不如調之於此、使其招募調兵、肅清此處、庶人地相安、不至稽其驥足也、然此一要害、關係最大、當兩河進兵時、臣每慮酋勢急迫、或出烏江出湄黃、冲突偏興、以塞我咽喉、則清平而上、皆成釜魚、一慮及此、汗卽浹背、當除夜、猶發牌嚴飭哨探、令新添廳稟稱得奸細一名、供稱獬賊已入山菁、昨陸廣鳴池之助戰



者實令蘭兵七萬猶欲發兵由漏窺以下偏宜與阻截糧  
餉等語是賊果有謀矣大抵黔所倚以爲命者惟楚楚之  
咽喉斷則黔之事去矣非得一鎮撫駐札豈得無虞哉是  
在當事諸臣之留心也今日大舉又非合蜀黔而爲一不  
可欲會蜀爲一非共一總督不可今兩省之總督分矣分  
則各顧

封疆而不相照應不知蜀黔合則水蘭之勢分蜀黔分則  
水蘭之勢合使我兵進倚兩河時蜀亦進搗紅巖則蘭兵  
何暇而助水西乎又使滇兵亦進搗烏撒則安效良又何  
暇而助水西乎是欲搗巢不得不期會以交攻更不得不

設五省總督以專調遣事。征發而后呼吸應。血脉通。此理勢之必然。此今督臣楊述中誠可當此重任。但以蜀人督蜀。不知於例合否。如無碍。一則達旦夕之期會。一則以省添設之煩擾。計無便於此。至遵義一路。係蜀黔之要會。水蘭之后門。當重慶恢復時。黔苗屈朝宣等各領烏合之兵萬餘。即聚於此。且開道廳皆到城中。路途未甚阻塞。使督臣張我續而出此路。便可數日收拾黔矣。后復被賊窮擾。有言今已恢復者。總未恢復。大兵一到。嘯聚之寇當即解散。亦惟藉一大將統萬餘兵坐鎮此地。以通蜀黔道路。且西下以掣水蘭之肘。東可以壯漏甕之藩。達可以與興倫。

殷勢相倚而消逆酋衝突之謀近可以聽進攻沙漠而爲直擣大方之舉惟是賊顧首顧尾勢將自分而陸廣等處自可得志督臣已計及此但不可不早圖之耳又自省而上至安南處處賊巢處處當備使麻總兵果督泗城至俾其恢復安順而暫駐之約令叅將許成名都司黃運清副總張鶴冲土司於勝龍等相機勦洗羅沙諸寇以通滇黔道路蓋黔可以得滇之力矣如是蜀滇黔交相爲用又何難扼逆酋之魄而制其死命乎不然自黔而蜀路必由楚自黔而滇路必由粵西往近動踰幾月機宜變在呼吸縱設總督調發不來亦何濟於緩急乎願急着督臣大舉也

有糧有餉則可圖無糧無餉則終成畫餅當解圍后楚兵勇西兵其石柱司兵絡繹至黔者不下數萬餘聞省城官兵亦過三萬矣皆因無糧餉逃亡幾盡夫聚之數月不足者散之一日有餘前此所費金錢盡付東流不亦甚可惜哉臣前疏所

請二十萬兵三百萬餉留全楚之漕糧耗米盡以供黔蓋亦揆時度勢非此無以計蕩平耳近讀督臣一揭大約謂實得餉銀五十餘萬而前此已用過百萬矣此百萬之用僅解得一因城而勦洗所費不貲可知是在

皇上

垂念西南半壁

聖勅廷臣設身處地實籌畫一番如臣前疏所

請數目

慨發濟急無惜小費而悞大計庶使督撫諸臣得以藉手而逆之巢穴靖之數千里封疆以還我

皇上矣顧師行糧從自古記之有糧而無餉尚可濡之日月有餉而無糧又安能待於須臾夫全楚漕糧耗米不知一歲之摠數幾何但以二十萬兵計之百日而用二十萬石况黔之一線烏程九曲羊腸不惟患無糧且患有糧而無轉運之術則糧更當急講也然臣猶有說焉量能授職

層累而上之則上易示德下易感

恩。倘人非國士。一戰倖成。輒以布衣而登壇。不惟將來窮  
鼓舞之術。而人無根蒂。且有飽則颺去之虞矣。況勝則破  
格而擢。不勝則優容不問。不知威之孰知德乎。驅除虎豹  
皆一家蕩惡掃氛。皆一人。今聞南將與北分。既以矛盾致  
令參差。解圍之將與城守之將。又分。恐以桎鑿生傾軋。非  
當事到藩籬。平心駕馭。則陸廣之鑒不遠矣。戰守機宜。難  
以臆決。而夷情地利。惟土著之人能悉之。廣益於衆。獨斷  
於已。則奇正變化。自有不可勝用者。威嚴可不濟乎。羣策  
可不集乎。此一時之對症。而潛備其藥石者也。三百日苦

守之疆土實不能忘情敢效操舵之說如此懇乞

皇上

勅下該部酌議如有可採伏

請施行則

封疆幸甚

臣

草疏畢即得新按臣奏內都勻圍尚未解而

銅仁之紅苗思州之黑苗羣起爲亂逆苗近日借牌造橋

直欲進逼鎮遠等語固逆苗之蓄足謀久也

臣

疏言當復

遵義議總鎮鎮偏橋正以防之倘戶牖不緝而狡賊果冲

突至此乎則兩江九股諸苗當一日而羶附者數萬黔事

真有不<sub>可</sub>知者

臣

謂清平而止盡成釜魚豈危言而聳

便通義縣  
偏橋

聖聽哉念及於此

皇上之

發餉與楚粵蜀滇諸臣之引手誠不容旦夕而待也

戶科韓繼思議請

發帑五十萬以救危黔其便有五

朝允夕解刻期南行兩川即至較之歲月催征者此為最上急者一便也或用以備從前之缺乏武備以待日后之關領無一事不湊集無一人不蒙恩較之憑虛搜括者此最為實者二便也古有以投醪而鼓衆志者為恩自上出雖微必感況以五十萬之金錢頗自內府三軍有不感泣而效死力乎是為鼓士氣之機權莫妙於發帑三便也古以量沙而僞折敵鋒者使知軍有足糧敵自無敢犯况以九重之

寵命資五十萬之金錢不以達疆而忘

於優帥安酋有不風聞而逆思乎見為夷膽之妙算莫捷



發帑四便也。職非爲了此。不過五十萬帑金。可靠五十萬。

帑金而盡。舍諸臣之條議也。以帑金發在旦夕。而協濟者。通融者。乃能陸續接濟。不致敗乃公事。

皇上不愛帑金。而諸臣又何敢愛。湊處之萬餘乎。是以一兩月見在者。而連三五月以佐之。征解又以五十萬金錢而令湊處。五便也。

戶科羅尚忠疏請

勅命輔臣編

建文年號追復

位號並復

廟祀并贈廢祀謚。仗節死事陳迪、景清、黃觀、黃鉞、王良、鐵

欽練子寧陳思賢八人其妻子節孝忠貞者宜令從祀本

廟庶

聖朝無缺典萬世有信史矣

按陳迪南直人

建文間為禮部尚書

文皇帝

登極

召迪責問迪不屈與子鳳山丹山等六人全日就修削  
臥等鼻舌食迪迪仍不服俱凌遲死妻張氏令門僮死  
遺孤呱呱五月鄰姬荷氏從溝中潛出之至八歲事覺  
遣戍蓬萊縣永禁未還

黃觀南直人

洪武間中三元

建文間為禮部侍郎侍中靖難師渡江觀未

詔上游家人自

京奔至言其妻翁氏與二女被執翁氏携二女投淮清  
橋下死家屬市人盡殺承死觀北向再拜曰臣不能報

陛下矣。投羅漢死。藉其家。并逮姻黨。  
黃鉞常熟人。

建文間。爲給事中。以外。報還蘇州。知府姚善義激。誓當  
一面。靖難兵勦善。總蘇松嘉興五郡兵。勤王不克。善歿。  
誠經。食。防。哭曰。吾與善同安。  
國恩。善死。吾獨恐生乎。遂奔入水死。

練子寧。江西人。

建文間。爲御史大夫。

文皇帝

登極。方孝孺等死。清獨委蛇。時

朝人疑之。一日早

朝。清緋衣入。先是星者奏紅星獨

帝座甚急。清獨着緋。遂收之。得所藏劍。詰責不屈而死。  
是夕。精英迭見。又族其家而入。

殿廷爲滿。又藉其鄉。轉相振濟。爲之瓜。蔓抄付里爲墟。

上良

建文間。爲浙江按察使。

文皇帝

登極

召良。良集臬司諸印私第。躊躇未決。妻問其故。我分應

中國之威置偏師於登萊以張犄角之勢而以數千兵置  
之海上使毛帥時出不意以疑敵瞰敵誰曰非策然而兵  
微勢阻有小才而無遠略可以瞰敵亦未必足以制敵也  
胡張鎮江詭遇之功又倖獲屢撓聚機械冒詐反覆傾危  
之數十輩而望其全心勦賊豈不貽笑於夷虜哉近見登  
撫

奏報文龍移文自翊諸奴奄有兩河以來口中已無山海  
若非本鎮屢掣其后復何憚而不前等語似已不知有督  
師大臣矣及詳其制敵之術不過曰屢次開洋被風阻回  
而容竟曰內督師關上將士洗心旌旂改色又何矛盾而

不倫乎。若欲獨倚以成不世之功，而反視關爲可緩可急之地，閣臣爲可去可來之官，抑何輕重之倒置耶！此臣所謂治其標而忘其本，防其變而忽其症者也。嘗稽古之知人善任者，每每有術。淮陰彭越，則御之如養鷹；時其飲啄而謹繫縶之，惟恐其飽而不爲用。度毛文龍之爲將，其視樊灌等曷若？乃任以大將，寵以

賜劍，彼此注視而求夢，未夜而興，暮其惑何如？彼且已睹富貴之極，而又肯出萬死一生爲

朝廷堅八寸乎？不然，海風占候，夫豈異術？何渡海之師偏與石尤相值哉？始也知有歌舞而不知有駕馭，繼也知有

驕惰而并忘其爲鼓舞矣何望邊防之鞏固而克逆之迅掃乎抑臣又有請焉軍旅之功罪互立斷於封疆官方之耗治當朝決於衡憲國容不入軍軍容不入

國此分間之義古人所以外無敵而內順治也今不得於外者闕捷而邀重於言路不得於內者營窟而借譽於邊臣以致慶罰無章斥陟互異不但邊患深而

高皇帝之三尺犄角剝蝕於有事之秋者其亦無幾何矣甚至

廟勝未決

兩朝從信錄

卷十八

十七

廟議勿定而達藩之假路、狡虜之僞稟、予奪生殺

天朝幾爲無權、其於尊

中國而輕外夷、謂之何哉、臣初入班行、感慨盈臆、顧念

朝廷大事、莫有重於

封疆者、敢率狂菲、陳其一得、伏惟

聖明當斷、即斷及時賞罰、庶使黔首可滅、東虜掃蕩、固帶  
金甌、永保萬萬矣

此疏關係  
世教不獨  
後引古今  
明切爾雅  
已也

五月

御史吳甡請舉視學

大典疏曰

臣

惟自昔盛王莫不崇尚風教雖時當衰亂群

維雲擾東西征戰不遑寧處猶投戈講藝息馬論道誠以  
治亂之原係於教化而風厲之術倡自  
朝廷况孔子萬世之師

神京首善之地躬行倡率風示海宇使道化翔洽文治覃  
敷家敦詩書之好人多君子之行大小隨化八方清肅是  
亦

帝王之盛節也



國朝舊章凡

列聖御極之初舉行典禮

郊社以敬天大閱以講武視學以右文蓋鉅典也

陛下兼天地之資纘

祖宗之業勤學圖治三年於茲頃允諸臣之請郊祀大閱  
次第舉行惟視學之典未沛

德音在

陛下垂情典謨游意經藝必知崇儒重道爲千古懿舉徒  
以禮臣高蹈致稽上

請然海內嚮化之心每於臨御之始引領觀望未可視爲

太祖

虛文遂致因循昔我

太祖高皇帝肩億兆君師之任當宇宙文明之統首建國學親祀孔子

御筵講書取尚書大禹皋陶謨洪範等篇親爲講說反覆開諭群臣聞者莫不悚悅

成祖

成祖文皇帝視太學行禮畢

御彝倫堂諭諸臣六經聖人之道彌綸天地明揭日月垂憲萬世率由彝訓與卿等共勉之復撰

御製碑文峙列學宮自是而後守爲彝章無不紹明續述以光

大典者在昔漢明帝駕幸辟雍引桓榮及諸弟子升堂帝  
自爲辨說諸儒執經問難其冠帶縉紳之人圍橋門而觀  
聽者以億萬計永平之政青史榮之魯僖公紹脩文德思  
樂泮水無小無大從公於邁是以有采芹采藻之頌卒之  
淮夷獻琛懷我好音蓋古之哲后類皆崇尚文教若此若  
衰季世主則不然用鬼瑣之人行因循之政棄先王之道  
達經術之士或焚棄詩書爰有坑儒之禍或崇信乾竺漸  
成左社之風蓋倡率不端則人心日僞人心既僞則風俗  
日偷廉耻之風眇而忠義之節衰斯道否塞國運隨之如  
秦皇梁武之世可爲殷鑒伏願

陛下遵

祖宗之成憲。追哲王之芳軌。黜闇主之衰習。端風教之首務。

勅下禮部預爲脩舉。或待仲秋。或俟明春。幸臨國學。躬行奠禮。講習聖經。寵進儒雅。仍博求海內經明行脩之士。徵詣公車。如李光縉陳繼儒之徒。督率生儒。闡明經義。以庶幾執經問難之風。又如詞臣文震孟磊落倜儻。素志忠孝。感時念殷。報

主心赤。偶以字句未簡。致彼嚴罰。夫非

陛下首拔之士。歟。何斥之速也。夫翰苑清華之地。但知涇

養元氣坐致鼎鉉。一有諫諍便詫爲異。然

先朝如岳正羅倫舒芬皆以直諫著聲詞林。至今猶賞其直。不罪其顛。如震孟輩正未可少儻。旦夕

賜環。列在經筵。必能剖忠陳謨。開悟

聖聰。此皆名儒有關經學故。臣縷及之。昔漢臣匡衡論政

治得失。謂長安

天子之都。親承

聖化。遠方郡國於此則倣此。教化之本原。風俗之樞機。宜

先表正。臣竊見邇來風俗靡陋。士習囂凌。不勝慨嘆。即如

國家去天咫尺。而假主市猾充斥其間。見於詞臣姜逢元

所叅摘者棍徒得濫衣巾而干禁私謁肆行無忌見於臺臣方大任所糾題者畿內尚然何怪各處青衿鼓噪無忌哉夫爲

陛下教養人才者外則提學內則祭酒司業在文字考課之間尚存木鐸聾瞽之意今國學廢弛已極博士諸賢倚席不講未見有胡瑗李時勉其人者申嚴條教甄陶士類江河日下狂瀾安砥臣切有世道之憂焉兩京學政克舉其職至於各省學臣邇年以來求其卓粹清嚴持正不阿自譚昌言洪承疇文翔鳳而外指不多屈若夫驕蹇自恣取舍任意逢迎勢宦進取徇情則比比而是矣學政當脩

臣有特

疏奉

旨看議司官何意久沉高閣如謂臺臣不堪任督學之事亦當明白具題如果督學不可無風憲之官何不酌議覈奏不惟視學政如贅麗亦且等

明旨若弁髦臣竊觀今日

陛下有納諫之美部臣有拒諫之寔其所寢閣不獨臣疏但臣所言者學政也不速爲釐正恐天下孤寒之士聞而憤惋以夤緣鑽刺之習終不可破有灰心焉而勢要子

弟則舉手相賀風俗日偷人心滋僞其關係甚不小也  
陛下方建中興之業海內日望教化之成而諸臣以風教  
爲緩圖經術爲迂譚何以仰贊文明之治共襄雍熙之理  
乎是在

陛下加之意而已矣

尅復遵義

時叛賊尤朝柄楊繼和鄭應麟據府城副將秦衍祚  
會同侯參將一面親督大兵二千分布各路夾攻先將  
銃手埋伏誘戰於九接灘尤朝柄令頭目揀賽領賊拒  
戰揀賽被銃擊死又斬獲十三級賊即潰敗逃走復追  
南城外羅網渡斬級三十顆并獲器械馬匹於二十二  
日入城分扎四門防禦出示招撫殘民至於城內民房  
燒燬大半僅存道鎮兩署



安鑾率妻子部眾來降

安鑾為齊右臂，監軍趙邦清謀所以招之。密使副總兵侯良柱諭鑾心，交僧人丁相說之。又使鑾親詣文富曲勸之。奈為符國將鑾妾石氏幼子安在，欲圍入大寨，無計可施。自官兵抵羅付大河口，扎營十四日，與寅賊戰，敗之。是時隨即差旗牌楊應芳前去暗誘安鑾。心腹大管事劉崇德親管事羅加旺等前來密諭厚賞，以結其心。發回勸化安鑾，亦見助寅潰敗，何順之。念愈堅，隨即暗約良柱助兵，扶取妻子。渠料良柱未必發兵，亦借以窺我虛實。良柱深審此意，一面諭令羅安良進陶公灘以牽賊，一面點選親兵舍人侯國藩等七百餘名，以多帶精利火器渡河，同鑾部兵於十五夜經三寨，銃砲震天。賊不知我兵多少，待國藩帶兵先走，餘眾倒戈叫降。安鑾當將妾石氏子安在，盡數撤回，并楊廣三、秦及、董、劉二坪、偽都司盧江等計五十餘口，即日渡河。良柱尤令多兵扎營河濱接應，并安搭浮橋接引降兵。李宋口過江，當賞安鑾併伊子安在，高紅、改各一端，三兩銀牌各一面，袍帶一副，付以良柱黃蓋，登梯二兩，銀花鼓樂迎獎。其餘犯日，逐一厚賞，勸令安鑾父子及偽官

廬江盧油趙興朝劉崇德羅加熙周忠倫富王天經趙  
道隨有參稱荷蘭國預部兵三千願作嚮導引官兵攻取  
立功趙以彼鑒初來不宜銳挫立功之志故收隨  
營乘勝以收全捷料奢寅等首可計日而得也

朝鮮國王李暉爲其侄李綜所篡

按李暉原以前王李時次子得立素稱仁柔李綜其親  
侄也走馬試劍謀勇著聞歷歷耳垂姿美偉異常在李  
暉左右用事掌管筆札之役入春因是李暉有疾遂起  
謀逆先令心腹哈臣遊說將平山節度使李貴教練兵  
馬五百調赴王京防禦又密約繼祖母王太妃於三月  
初九日在於宮中舉火爲號李綜率李貴等指以救火  
爲名領兵入宮緝縛李暉投烈焰中以死并其世子官  
眷及左右親信之人俱行殺戮議政府有自盡者本月  
十三日令王太妃仗義執言數李暉之不忠不孝而暴  
其罪是日李綜遂即王位又差官立誅平壤守臣朴摩  
并鴨綠江邊鄭邁數其元年冬月暗通奴酋引賊過江  
戕遠人而謀毛帥是所藉口以報  
附國者也李貴奈爲李綜親臣日侍其側而又以宿將

張曉為總兵以守鴨綠川內咸韓復議為本國都總兵以鎮王京又令通官傳語於貴使孟推官曰向來舊王不以并力遇奴為業今我正不以舊議為恭而專以協勦為恭又曰一向小民窮苦今助兵則可其供應亦照常若以貨物易參則不能從命今各布政勿復採致行天朝

使臣貨物之集貽害我國以故接待各官其禮見亦殷勤如昨而館谷漸不逮時昔矣李暉之事

天朝殫心竭力彼國老臣有身被倭難者皆所樂從而少年新進之徒或欲兼以供億頗煩國人若之今春饑計日久有以為真病者有謂知剿之將及已而深居以避者乃不慮其竟以不免也

登萊巡撫袁可立請討篡逆疏曰本年四月十八接得授遼總兵毛文龍揭帖為戡定正義以安

宗社事內稱天啓三年三月二十三日據朝鮮國議政府左議政朴弘者等中前事於三月十三日承奉王太妃勅

昔我先昭敬王不幸無嫡嗣先於萬曆三十六年間奄棄臣民惟予忝居舅位乃將先王遺意以已故妾金氏出兒謫郡瑋請爲承襲節次陳奏

天朝欽蒙

皇上特允封典而嗣位以來失道悖德罔有紀極聽信讒言自生猜隙不以予爲舅戕害我父母虐殺我孺子幽囚困辱無復人理葬倫歇絕禽獸一邦屢起大獄毒痛無辜先朝耆舊斥逐殆盡惟姻婭婦寺之徒是崇是信政以賄成昏墨盈朝撒毀民家初建兩宮土木之營十年未已賦役煩重誅求無已生民塗炭嗷嗷度日不特此也我祖先

祇奉

天朝殫竭誠悃二百年有餘況我先王虔恭候度更掩前世在位四十年居常對越無敢或怠而嗣主瑋忘

恩悖德罔畏

天威督府東來義殷動人策臣不誠未效同誓神人之忿至此已極

宗社之危有若綴旒何幸大小臣不謀而同合詞舉義咸以陵陽君綜仁殷夙著

天命攸歸仍於今月十三日討平昏亂已定位號以嗣先王之後彝倫優叙宗祀再安咨爾政府備將事意具奏

天朝一面咨會督撫衙門以憑轉疏具

奏欽此欽遵卑職等竊詳

天生蒸民樹之后辟蓋欲叙彝倫立綱紀上奉

天朝下安黎庶以光海邦之初嗣實惟我太妃具

奏

允者也不諒大義徒信讒言悖德失道之狀實如

勅旨內事竟使二百年禮義之邦不免禽獸之誚滅絕天  
理敦喪人倫上得罪於

天朝下結怨於萬民其何以君國子民承祖業乎在廷諸  
臣請陵陽君主臣民乃昭敬王定遠君之第一子也自少

聰明仁孝有非常之表王與之養於宮中屬意重於諸孫  
今者人望所歸太妃克循先志承襲特另差重臣具疏奏  
聞於

朝廷外等因到鎮看得朝鮮向來奕世忠勤本鎮得以駐  
師牽制實借其力也然流離無裹糧之粟兵卒乏隔宿之  
糧又盈盈一海仰食

天朝縱其借糴措勝謂非屬國之依不可少有阻撓亦姑  
爲容忍不意於本月二十三日據朴弘者呈前事始知清  
大變臣民廢立出是王太妃之命者歷數李瑄之不君十  
三日立嫡孫綜權知國事民心已歸萬口一辭大彰法紀

卽召虜密謀邊臣鄭遵等首卽卸罪明心之舉益知悔過之萌遂使李參南以恭賞文懇乞轉

奏鎮係武弁罔知可否因據其臣民推代位分已定況今夷狄竊發之際東面多事之日鎮惟回慰溫詞冀無意外之虞雖然鎮居其東稍知始末今據來申合無揭報該否承襲得無僭越請乞

上裁庶與儀攸遵藩封可定而進勦有依矣等因脩揭到職該職看得

君臣之分等於

天地無上之罪春秋必誅瓜分之變綱目重書元藩國輒



自廢立，背法令，懈弛人心，變亂之漸也。

皇上日月之明，雷霆之震，雖東西醜類，尚遠伐用，張計日授首，況有朝鮮李綜之異變哉！夫李瑄之襲爵外藩也，膺皇祖之

詔命，主箕子之遺疆，雖稍柔靡，未聞大過。已十五年矣。自遼興師以來，供餉助兵，慕義效順，使臣絡繹奏章，恪恭亦足嘉者。何一旦遽廢置乎？據稱李綜爲該國之嫡孫，且爲前王所寵，又稱瑄立太妃，實爲具奏得

允者也。夫瑄旣奉

命爲王，則該國之君也。綜雖親，則該國之臣也。君臣旣有

定分冠履豈宜倒置乃云討平昏亂何其敢於無君又云  
正位號何其敢於專擅也即琿果不道宜聽太妃具  
奏以待

天朝之命投竄另置乃成法紀何今以臣篡君以侄篡伯  
頃使

天地之大經一旦攸斁而萬古之倫常遂致泯滅而不顧  
也不意

聖明在上而敢越志橫行所當亟爲嚴討以振王綱者也  
儻爲

封疆多事恐勞師害民當

遣使宣

勅布告彼邦。明正其罪。使彼中臣民曉然。知君不可易。亂不可長。亟討篡逆之罪。復已廢之主。大倫大法。猶不致廢。若果李綜迫於妃命。臣民歸心。亦當令其還避待命。而後朝廷徐頒赦罪之詔。令其祇奉國祀。如

國初之所以待李成桂者。亦

皇上不怒之威。俾華夷皆知有其主。不敢逞爲弄兵以圖存名器。此又不得已之議。然職猶有聞爲輝境往來員役

下可不慮  
到此

有語朝鮮舉國皆欲從。惟而獨李瑱念昔年禦倭之  
恩。望報。

中國因罹今日之變。而李綜又係倭夷之壻。廢立之舉。實  
借倭爲之備。如此也。則徐可北聯夷。南通倭。舟楫帆檣。倭  
所慣習。載奴以來。海上之事。將大有可慮者。職接報之。日  
偶被慶賀。陪臣李顯榮等。梁時獻。還國之蚤。職且從前之  
故。因以其事告之。意兩臣必痛苦流涕。有不欲生還者。而  
兩臣應對如常。若事外旁觀。則該國之人心大槩見矣。此  
職之所以駭聽痛心。指髮嘔血。亟請

廟算。爲肘腋藩屏計長策也。伏乞

勅下禮兵三部酌議施行

督餉侍郎畢自嚴奏曰李綜之事臣以爲不必議討者有三而其不可逮

封者亦有三李綜篡主自立雖犯無將之戒然爲李昭之孫李暉之姪枝派頗正且其假義國中臣民卒多歸向今若輕言廢置必當先議興師航海萬里勝負難必窮兵遠駕非力所及是不必議討者一也通奴之顯迹未著享王之嘗禮未失且其即位數令頒布國中咸以恭順

天朝爲念以協力助兵爲辭豈其以此趨前王之罪過而躬自蹈之萬一更置不得其人違順即逆厥計良左是不

必攻討者三也。李綜篡主之後，每有公移與毛帥往來，固非大有協濟，亦覺別無齟齬。近聞毛帥自用銀往安州糴糧五千，亦未過糴。摠之毛帥之居皮島，四面皆水，與前駐宣川時依倚朝鮮大是不同，可無他慮，是不必攻討者三也。惟是

君父大倫，炳若日星，亂臣賊子，宜膏斧鑕。李綜以臣弑君，以姪弑叔，既逆

天誅，遂叨

封典，煌煌

綸音，驟加匪人。彼箕子禮義之邦，將無爲有識者所笑，是

不可遽

封者一也李暉之事

天朝也甚謹助兵於四路進勦之時又助餉於毛帥駐師之日其有功於

天朝也甚鉅彼國家令所謂欲加之罪何患無詞也若

中國不爲一言昭雪而輒

封弑逆之人幽冥之中未免負此忠順外藩于地下是不  
可遽

封者二也李綜素稱狡猾語言應對之間不失恭順

天朝之意而其處心積慮尚屬叵測據其咨文雖稱權署

國事然而居王之宮服王之服行王之政全無辭尊居卑拱候

冊封光景誠恐別有肺腸遽難方物大慮觀變向皆倏忽是不可遽

封者三也以臣愚見固不必窮治其篡立之罪使其挺而走險亦不可遽與以

封爵之榮使其狃而成玩俟其請

封使至止收其

表箋一切方物始寄別所即令來使言旋賞

明旨詰問要見李暉是否當誅李綜是否當立候其輪服



請罪往返再三而後許之不則俟其進兵勦奴功績昭著而後

封之庶幾掄縱在我剛柔互濟不以恩掩義不以權廢經天朝之綱紀大伸而屬國之邪萌自戢矣說者又欲遣官前往查勘區處未爲不可但官卑則不足以示重於外夷官尊又恐負固不服反有褻於

國體似未爲得也至於以後

中國之使其以公務入朝鮮者寧希勿多寧簡勿煩仍令謝絕一切交際毋得黷貨致輕

中華此尤喫緊要着亟宜申飭者也仰祈

聖明

勅下該部酌議施行若大原任推官孟養志轉餉異域大有資於軍需出使屬國復不辱於專對并祈

勅下該部查照臣與督餉御史江日彩原

題昨運

疏內將推官孟養志與都司黃胤恩連官王文憲等一體優叙孟養志與復原職加同知銜各部除授黃胤恩加以游擊職銜王文憲等各加守備職銜庶勞功不泯而人心兢勸矣

御史游士任請于討賊之中神滅奴之用其言曰臣居葛

沾得海外之報最遲初五日始見撫臣表可立有屬國擅  
行篡主之疏而鎮臣毛文龍之揭又至臣方卧病忿然而  
起不覺髮指又思軍機所關股栗汗下急欲草疏以

請討又念臣奉

旨候勘之臣因鮮人一大變却是我滅奴一大機也然善  
下此着便是滅奴之大機不善下此着反破制奴之大局  
臣安敢嘿嘿而不爲

皇上陳之今

天朝之所以責鮮人者非責以策應乎責以同讎乎而鮮  
人之廢李暉也有王妃之敕旨焉曰忘

恩背

德罔畏

天威也。曰策應不誠，未效同讐。此鮮人列李暉之狀而爲之名也。而即可以知李暉之狀矣。

請即以此爲問罪之法。臣去秋之疏有云四日五日以後，鮮以增夫數千，助奴修築。此亦先見之幾等語。事到於今，忽自漏洩。固畏

天朝一面擬差重臣具

奏，則猶有凜凜三尺之念在。正未忍艸艸也。臣請

皇上特遣風力科臣資捧

兩朝從傳錄

卷一八

三十五  
五月

聖諭往彼曰、爾爲大臣、作王心膂、當暉通奴、爾胡不諫阻、誰代下令、令邊臣鄭遵等作是狀、忘

恩背

德當自爾始、則議政府無辭、又出王妃而問之曰、通奴一事、使出於臣下、而暉會不知、則爲主昏、昏可廢也、使出於暉、而臣下不敢阻、則爲背

德爲逆、可誅也、願或廢或誅、先

請而後廢、則爲大義、今乃見廢而後

請、是爲背

德、或李綜借霄卜之媚、臣下或外人之間、互相譏毀、或相

煽惑而促爾以先廢乎則李暉齒亦長矣豈遂無一弱可  
嗣耶使無子猶有昭敬王之諸子在豈皆賢不如綜耶而  
又胡不

請於

天朝擇而筮吉而一廢一立迅若掣電且曰天命攸歸曰  
已正位號耶則王妃亦無詞又執李綜問之曰爾非篡也  
待王妃

奏乞

天朝而後君之耳則李綜亦無辭既一詰問矣必曰吾爲  
恭

天朝也爲多行不義且負

天朝之恩也欲先

請恐語以泄敗也李綜之立果順臣之戴非有他也則又  
勅王妃與議政府曰廢立之役逆理順理只在爲通奴二  
語若不爲通奴也是篡也非恭也逆狀造於臣下而嫁禍  
於君粧暉以不軌之名而自爲不軌爾國寧復有人理乎  
若果爲通奴也是恭也非篡也止多一擅耳而綜之應立  
與否又當再論今且觀爾事以見爾心爾能集鍊精卒廿  
倍於初乎群臣百姓既聞戴綜而君之賢能皇皇然割牲  
誓

易大德亦  
大

天合國之人共爲綜出死力以殺奴而明綜之無他明王  
妃之克循人情乎乃益信向者之舉是爲我

皇上討賊以亢爾宗即以李成桂例處綜當無不可而王  
妃亦當可原觀過知仁於王妃何多求焉否則禮義之邦  
明紀大經大法書之史冊以遺千古羞釋賊不討我

天朝亦貽千古忿豈敢有愛焉

太僕寺卿董應舉安插遼民事竣進呈列名冊并請存遼  
一學以示不忘三韓之意

太僕安插說定於是爲之查其原衛列其姓名據各州  
縣原報寄住地方以

聞今而后士歸之學院并若民歸之地  
方有司矣至於建學一議尤爲喫緊



永寧大捷

有將時將  
壯哉丈夫  
前如是

四月十五日李總鎮於十三夜密命泰國偉等兵潛至永寧城下分攻十四日本鎮同參將楊應岳等督應軍官居散等有餘騎兵四五百人一齊殺至城下賊出以門堵截兇勢將潰將房屋亂燒張命官等殺入小西門周部奉按應張命官等就馬上生擒亂冲大西門出降投降降二萬跳城越水死者無計城中烟焰薰天逆酋父子合營列在江崖上本鎮札於江崖對面高山上投降冬入本鎮總審有大與父毋皆還其父殊仍命外出人比由頭不許在營混亂毋思永寧之賊兵已散大半本鎮必欲擒擒逆酋以報國恩

貴州巡撫王三善策平黔大計疏曰臣於

天啓二年十二月初七解圍以後初八移營宅溪即遣貴州衛指揮朱國安劉光持白牌往諭奢社輝母子速將安邦彥鄉縛來獻准為代

題免死據報白牌已傳過河候十餘日未見動靜至本月二十日援兵俱抵會城此時府無半鎰倉無斗粟諸事嗷嗷臣亦鬱鬱乃心謂其坐而待餉聽軍旁掠一空且大苗仲新附之望不如分兵進擣就掠浮糧以食衆誠衆心摧膽折之時猝而壓之或可撫也按地圖陸廣河一路抵大方奢氏鴨池河一路直抵安邦彥巢穴楊明楷爲先鋒孫元謨劉志敏佐之副總兵劉超統之都清道楊世賞爲監軍進龍里又以劉范曾成爲先鋒黃運金汝李師沆等佐之平蠻總兵張彥芳統之思石道何天麒爲監軍進威清據正月初二陸廣河塘報監運楊世賞暗渡大破賊營于

十二月三十業已渡河。又據正月十五鴨池河塘報秦明  
屏等連戰破賊。獲其子母等。因職不勝私喜。以爲二路俱  
勝。賊雖不降。卽撫之亦易。爾不意十二日報賊數十萬環  
攻渡河諸營。因衆寡不敵。俱各奔潰。楊明皆不知下落。王  
之將王成等自死。細詢其故曰。各兵因搽浮糧。壁壘不固。  
賊因而乘之。故潰也。職當下令撫慰諸將。及詢楊監軍進  
止據言。雖有小挫。非戰之罪。姑歛兵高壘。暫養銳氣。俟人  
心稍定。再圖更舉。職以爲然。又于正月十一等日見城外  
遊兵岌岌而下。詢爲某兵。皆威清兵也。問曰。何遜對曰。無  
糧也。已而鎮臣亦至。初聞陸廣失利。見秦楚之兵各無戰

氣姑還守威清比至威清潰兵並下遂不能止因令劉范  
河守威清苗兵楚兵已盡去矣未幾廣兵又去矣又未幾  
而秦明屏兵亦去矣其僅存者不過陸廣撤回劉超等原  
提解圍兵祁繼祖之家丁與貴陽知府朱家民新招之兵  
乃安酋探知我兵之潰煽誘苗仲糾合逆黨宋萬化等復  
欲圍城人心洶洶咸無固志幸將吏與職誓死而人心始  
安適解餉銀五萬到即時給發而士心稍安職究惟此時  
賊使何中尉據龍里斷我糧道使李阿二督四十八莊兵  
圍青巖斷我定番糧道以困我已與宋萬化銀一萬一千  
兩水銀鎗二千杆馬二千匹封爲僞總督督洪邊之兵苗

仲爲右翊、與僞督兵游擊吳楚漢銀一萬兩、買入姑蕩平  
八莊苗仲爲左翊、而自統水西之兵、共犯會城、職思先發  
制人、迫其合而後圖之、必爲所制、而兵少欲分之、四出調  
度不敷、又慮出而會城虛、賊或因而乘我、必飄飄往、忽忽  
來、戰士不至久煩於外、而會城不嘗虛於內、使賊不知守  
我之所攻、而復不敢攻我之所守、然後可正按兵不動也。  
忽遣游擊祁繼祖統盧吉兆左世選之兵下龍里、一鼓而  
破蓮花堡、連燒上中下三牌、賊寨百五十處、斬首四百二  
十級、而向中尉敗逃深菁龍里路通、忽又遣叅將王建中、  
劉志敏、宋廷屈朝先等、救青巖、斬首三百零二級、王元佐

擒斬朱萬  
化

等之兵再進青巖盡焚賊寨四十八莊斬首三百二十級  
李阿二中神鎗逃歸水西而定番路亦通矣偵者曰安酋  
見焚伊四十八莊心中大忿謀糾八姑蕩洪邊二路兵於  
二月二十八犯會城臣於本夜密遣王達中郝繼祖等兵  
一萬五千進勦八姑蕩焚八庄寨二百餘處斬首五百級  
窮追度河溺死者不計其數此四戰焚毀積聚以數萬計  
而賊糧窮殺死賊黨以數千萬計而賊兵窮其謀遂寢而  
宋萬化不知也許降以覘我動靜職佯許之即調委監軍  
楊世賞督劉志敏郝繼祖等捲甲疾馳賊措手不及倉皇  
出戰遂被擒此賊之惡不減於邦彥而其勇十百於邦彥  
兩朝從信錄 卷十八

職不慮邦彥而慮此賊此賊擒而邦彥無能爲矣此

皇上之福也四路旣清秦明屏兵至平越復回與鎮臣同  
守龍里諸苗叛者復來因委監軍徐清多方駕馭擇其雄  
者官之賞以牛酒花紅札副宛帶群苗來者日衆有求爲  
開場貿易者有求糾兵保路者各許之盡給就撫黃旗使  
各高豎寨中實欲邦彥見之也邦彥見諸苗多懸黃旗果  
懼而不敢復肆猖獗但於鴨池陸廣諸要路掘坑塹於水  
西城脩補屯兵而已職初聞楊明楷之被執也傳一白牌  
與安邦彥魯達等若不殺傷叅將盡准投降不謬一人如  
有損傷本院親提大兵爲伊報讐寸草不留二月十二日

忽有二人持明檄稟帖乞臣往救。竊恐彼中賊情戰恐不勝，降懼不容等語。職又發一牌差守備李贊傳諭水西內云：前牌已許不殺楊叅將，悉准投降。近訪果未傷害，令行招撫仰安邦彥等卽速具文投院，以憑具

題請

旨定奪。迄今二十日，尚無消息。據宋萬化妻丁氏云：奢氏欲就撫，而安邦彥不聽，尚不知狡酋又作何狀。大都逆賊伎倆不過如此，只恨我兵力不加，不但苦糧餉不足，若得四五十萬金，一時解到，不旬日間可募精兵十萬。夫此十萬兵皆係土著，不須跋涉一便也。自食其糧二便也。道路



習熟深知地理三便也。我成指辭賊喪羽翼四便也。計人給餉毫無虛冒五便也。或者患夷情叵測不知省圍未解之先苗仲畏安酋圍解之後酋遁水西苗仲於酋遠而我近我勦速而酋救遲故苗仲附我况又啗我之利誰不樂從即有反測我從而用之其孰敢生心不此之務而遠求異省之兵分發現在之餉達者數千里近亦不下二千里何時奉

旨何時發兵何時抵省若候兵遲而二百萬之餉已用盡矣顧安能更得二百萬以益之乎後到者未至先至者已老老則思歸思歸則逃職恐終不齊而會勦終不成揣摩

近日人情似急者自急、緩者自緩、不過空文以示諸臣、請帑以塞責而已、言念及此、真可痛哭流涕、職至愚謬、以爲救黔、則兵屬黔、餉當屬黔、不必更分與有、但今與者、協濟盡付督臣、總理兵到、即以其餉餉之、而督之、否則以其餉自募、而督之、庶幾事體歸一、緩急不失、此芻蕘一得之愚、謹因報捷會同案臣侯恂而陳之、伏乞

皇上速賜勅下該部、如果臣言不謬、即將新增餉銀二百萬盡歸督臣、止令各就其應解之銀募精兵若干、選委有能將官任事、監軍道統來、再有觀望退縮、如廣西監軍周世臣、叅將王慎德者、俱聽督臣查明叅究、其入黔之行二

月二糧俱於督臣支給又先

勅湖廣撫臣於布政司庫中不拘何項銀兩先借解五十萬用果不足再行續解但時得五十萬金目前之用不致捉衿露肘必有以致逆酋之歟命但零星完解職見後解未至前餉已空募兵慮餉借餉無兵大用小用必不能縱橫由心揮毫如意其究也耽延昔日坐失事機雖累數百萬亦不足也伏惟

聖明留心電燭

速賜裁察俞允施行奉

聖旨據奏黔省屢戰多捷道路頗通著會同總督官盡心

誠收時之  
實著非先  
事之憂也

調度務保封疆糧餉已有屢旨還着該部確議具奏

御史彭鯤化以朝鮮變出不意宜嚴山海之防其疏曰自  
全遼盡失中外僅隔一關其勢危如累卵而奴酋不即來  
者雖養威蓄銳有待而發或因朝鮮國雖弱而頗大有毛  
文龍在島與之犄角爲牽制奴欲引兵而西恐搗其巢不  
無狼顧故關上得緩須臾大都得此力今讀邸報忽聞該  
國內變國王李暉十數年來忠順之臣不聞有大過失一  
旦爲姪所廢彼先自亂安能助我况無  
君之人豈肯倡義效順助力

天朝且爲倭壻與奴連若舉朝盡歸順奴酋其勢益大如

虎生翊毛文龍失其左軍心難久居牽制無人奴得安意  
西來無復東顧之憂矣山海危關恐難以九泥塞也今殷  
罪致討力不能支勢亦不便文告責諭雖不可少亦不過  
存此體面先自治而後治人綢繆牖戶爲保關計萬萬不  
容緩矣然則今日之關而作安關視是燕之幕也今日關  
內之地而作安地視是魚之游鼎也雖關臣苦心極力料  
理整頓必定規畫屹然金湯然聞實心憂邊者惟關臣一  
人將吏之下不知果皆同心協力否人心固而脚跟定然  
後一夫當關萬人莫過而人心尚未可必也

皇上聖明仁厚培植

國脉甚達

上天眷祐、必助萬年有道之長、而亦未可盡憑

天運也。急修人事、修城練兵、使器械皆極精利、而士馬不致饑餒、仍鼓舞振作、一番激發、甚是忠義、使人有勇知方、有進一尺、無退一寸、而後此關可保也。此外急著猶有達偵探查奸細、製火炮、三年遼左之失、皆自偵探之不早、賊已近城、而尚可不預防也。今我之動靜、賊無不知、而奴之消息、杳然無聞、萬一出其不意、何以應之。宜募敢死之士、達探夷奴情形、勿止憑外國之口、捕風捉影、庶制人而不制於人、向來遼城之不守、皆奸細之內應。

祖宗德澤、

天高地厚而奸民甘心爲奴効力、雖奴酋揮金不吝、小人易爲利使、何至人心多爲所買、大可恨也、今前後捕獲雖多、而此類實煩、我之人不能向東一步、彼之人隨兵俱來、火藥之焚、多出此輩、宜

諭內之五城外之有司、挨查搜捕、容隱不舉者、事發連坐、庶戎狄不伏於肘腋也

中國長技、火炮爲上、呂宋火炮、關中放之、旣效、今澳夷達來矣、已有放砲之人、而尚無可放之砲、宜

勅當事者、速如式製造、預先演熟、安置關外、庶幾有備無

異火

患不致臨渴而掘井也。此三者皆傾犬補牢之思。着惟嚴加責成。着實舉行而已。頃占候者云。大援城火戰之事。朝鮮之變。適值此時危關。深可寒心。若猶悠悠忽忽。探時度日。以山海孤注。付之一擲。憂根本者。寧無左袒之慮乎。處分早定。專有望於

朝廷。臣因是而

請內操之當停焉。時方多事。胡上內操。古有

殿廷習射者。雖示安不忘危之意。然間夷允服。蒙根永斷。一了百了矣。乃兵出賊伏。兵還賊出。勢益猖獗。禍益蔓延。致煩今日之舉。然目前借兵。威以平之。究竟議善後以堅



之摠之成其撫局而已

議遷撫寧  
移鎮居中  
而又黃城  
之久任之  
以克恢復  
河東西之  
計洵為得  
象

六月

御史王夢蛟奏曰

臣惟山海一關

宗社安危所係一切防禦大計全籍樞輔爲之主持乃分猷共濟則遼撫事也得其人而旋

奏安攘之績非其人立見頽敗之形今日之遼撫固庸衆掉臂而不敢前亦當事酌量而不敢輕受者頃廷推撫臣四人亦極一時之選

皇上猶然慎重其事

亟命該部斟酌堪任與否並及保舉之人仰見聖心持厯危疆必用人得當而後可爾有

君如此逆知夷氛漸消、侵地可復、

祖宗相傳之天下、可保一統於無疆矣、臣方慶幸之不遑、有何奇計、可以仰贊、

廟謨萬一、惟是兵常屢敗之際、氣已不揚、將經數易之秋、志復靡一、所恃者獨樞輔承宗義、膽忠肝、圖上方畧在爾、夫五部瓜分、各據信地、中部統之、馬世龍以守關、而不知廣寧已空無人矣、既知奴酋歛翊河東、因而圖守寧前、爲恢復河西之計、此着庸可已乎、九世祿爲前鋒、王世欽爲中堅、馬世龍爲後勁、且北據山、南依海、結排山倒海之勢、所謂攻守相兼者是也、由近及遠、漸抵廣寧、據河西、以管

河東如毛文龍令之揚帆鎮江、揚聲其尹人升俱膽畧過  
人、用之整兵、蓋奈達近同心、首尾策應、而又激達左久憤  
之人心、開叛將投降之生路、斬將塞旗之績、可計日而待  
矣、目今樞輔旣以殫心任事、撫臣當以生歿聽之、蓋樞輔  
自請督師、居可進可退之地、若撫臣以遼左爲名、當出守  
遼地、爲將士倡、山海豈遼撫駐足地方、況三軍惟開府是  
賴、遼民惟開府是依、號令惟開府是肅、居中布置與王世  
欽共處中堅、前後照應、方爲萬全、如縮朒於關門之內、無  
論一柄兩操、易生嫌隙、且寧前寫達、眞成贅麗矣、然而責  
成久任之法、又不可不行也、事惟責其久任、斯閱歷久而

調度精至如李維翰之後節節敗衄累累楚囚致山河淪沒於腥膻孰若責成久任一意肩承之爲愈也若其喫緊處又在重其權寬其文法毋掣其肘俾得展布至責成鎮道一如前法而夷氛不靖

封疆不復不信也

羅平沙賊作亂雲南巡撫閔洪學發兵平之

按羅平賊上爲州在萬曆十四年州治之建在十五年因奢因既平各寨夷民不通漢語怕見官府於是設立糧差議以漢人領之謂之散戶爾時建置上下守法德覺相安十餘年不肖有司輒於正烈之外增添派一項以剋剋夷民而散戶又指一科十條其馬牛宰折其田土各夷始驚然喪其樂生之心是勸矣僅天啓二年東島雲擾處處動搖爾益叛首補緝乘而用之遂以九月率眾攻城幸官兵大集圍城七月而破然二十四營土

省內操之  
宜以練營  
兵連閉兵  
尤為善計

首順逆者半、賊不過七八千人、使能隨解散之時、窮亂  
之月、痛加處分、俾漢天子有道、守在四夷、備雖在近而  
九在遠、內操不通護衛  
駕不經出、設此何用、宜以內操之、昂操練、從兵以家  
京師更設關兵以守、出海  
固門戶、乃所以固堂與也

兩朝從信錄卷十八

兩朝從信錄

卷十八

聖

六